

თელავის მუნიციპალიტეტის საკრებულოს
ეკონომიკის და ქონების მართვის საკითხთა კომისიის სხდომის

ოქმი N 15

ქ. თელავი

2019 წლის 22 ნოემბერი

თავმჯდომარეობდა: კომისიის თავმჯდომარე: ალექსანდრე შათირიშვილი

სხდომას ესწრებოდნენ კომისიის წევრები: ვასილ არაბული, გიორგი ჩახრაშვილი, ზესივ ქოჩიშვილი, უჩა ჭოტიაშვილი, გურამი წულუკიძე, ლევანი ლილუაშვილი, ალექსი ძულიაშვილი, ზურაბ ნაცარაშვილი.

სხდომას აგრეთვე ესწრებოდნენ: თელავის მუნიციპალიტეტის საკრებულოს თავმჯდომარის მოადგილე გიგა ორკოდაშვილი, თელავის მუნიციპალიტეტის საკრებულოს სოციალური, კულტურის, განათლების და ახალგაზრდულ საქმეთა კომისიის თავმჯდომარე ლევან კოჭლოშვილი, თელავის მუნიციპალიტეტის საკრებულოს ფრაქცია „ქართული ოცნება-მრეწველები”-ს თავმჯდომარე ტიტე დარეჯანიშვილი, თელავის მუნიციპალიტეტის საკრებულოს აპარატის უფროსი ტარიელ გალახვარიძე, თელავის მუნიციპალიტეტის საკრებულოს ფრაქცია „ქართული ოცნება - მწვანეები” -ს თავმჯდომარის მოადგილე გიგა მამუკელაშვილი, თელავის მუნიციპალიტეტის მერიის საფინანსო-საბიუჯეტო სამსახურის უფროსი ნათია ვაყელიშვილი, თელავის მუნიციპალიტეტის საკრებულოს ეკონომიკისა და ქონების მართვის საკითხთა კომისიაში მოწვეული სპეციალისტი ზურაბ ენუქიძე, თელავის მუნიციპალიტეტის საკრებულოს სამანდატო საპროცედურო და იურიდიულ საკითხთა კომისიაში მოწვეული სპეციალისტი მედეა ჩაფურიშვილი, თელავის მუნიციპალიტეტის მერიის ეკონომიკური განვითარებისა და ქონების მართვის სამსახურის უფროსი გიორგი თავტერიძე, თელავის მუნიციპალიტეტის მერიის

ინფრასტრუქტურის, სივრცითი მოწყობის, მშენებლობის, არქიტექტურისა და ძეგლთა დაცვის სამსახურის ინფრასტრუქტურის განყოფილების უფროსის მოვალეობის შემსრულებელი დავით ქსოვრელიშვილი, მოქალაქე არჩილ მჭედლიშვილი.

დ ღ ი ს წ ე ს რ ი გ ი:

1. თელავის მუნიციპალიტეტის საკუთრებაში არსებული უძრავი ქონების საპრივატიზაციო ნუსხაში შეტანისა და პრივატიზების გეგმის პროექტის განხილვის შესახებ.

მომხს. ა. შათირიშვილი

2. თელავის მუნიციპალიტეტის საკრებულოს 2018 წლის 28 ივნისის N34 განკარგულებაში „თელავის მუნიციპალიტეტის საკუთრებაში არსებული უძრავი ქონების საპრივატიზაციო ნუსხისა და პრივატიზების გეგმის დამტკიცების შესახებ“ ცვლილების შეტანის თაობაზე პროექტის განხილვის შესახებ

მომხს. ა. შათირიშვილი

3. თელავის მუნიციპალიტეტის საკუთრებაში არსებული უძრავი ქონების სახელმწიფოსათვის საკუთრებაში უსასყიდლოდ გადაცემის შესახებ პროექტის განხილვის თაობაზე.

მომხს. ა. შათირიშვილი

4. თელავის მუნიციპალიტეტის 2020 წლის ადგილობრივი ბიუჯეტის განხილვის შესახებ.

მომხს. ა. შათირიშვილი

მოისმინეს: 1. პროექტი თელავის მუნიციპალიტეტის საკუთრებაში არსებული უძრავი ქონების საპრივატიზაციო ნუსხაში შეტანისა და პრივატიზების გეგმის პროექტის განხილვის შესახებ.

აზრი გამოთქვეს: ზურაბ ენუქიძემ აღნიშნა, რომ საპრივატიზაციო შენობა მდებარეობს ცენტრალურ ზონაში და არის შესაძლებელი შენობის კომერციული მიზნით გამოყენება, ამასთან ერთად აუდიტის მიერ მოცემული ფასი დღევანდელი ღირებულებით მხოლოდ შენობის სახურავის ფასის ტოლფასია, ამდენად აუცილებლობას წარმოადგენს ქონების რეალური საპრივატიზებო ფასის დადგენა.

გიგა ორკოდაშვილმა აღნიშნა, რომ სპორტულ სკოლას არ აქვს გათბობის სისტემა, ვინაიდან სკოლას არ გააჩნია სხვა ცალკე მდგომი შენობა, მოცემულ შენობაში მიზანშეწონილი იქნება სპორტული სკოლისთვის გათბობის საქვაბის მოწყობა, ან ქონება გაიყიდოს იმ პირობით, რომ მყიდველის ვალდებულებას წარმოადგენდეს სპორტული სკოლის გათბობის საქვაბისთვის საჭირო შენობის აშენება.

ალექსანდრე შათირიშვილმა დააყენა წინადადება, რომ მერიამ განიხილოს კომისიაზე გამოთქმული მოსაზრებები და წარმოადგინოს პროექტი მათი გათვალისწინებით.

ა.შათირიშვილის მოსაზრებას დაეთანხმნენ კომისიის დანარჩენი წევრები.

გადაწყვიტეს: მუნიციპალიტეტის მერიამ გაითვალისწინოს კომისიაზე გამოთქმული წინადადებები, რის შემდგომ წარადგინოს პროექტი თელავის მუნიციპალიტეტის საკუთრებაში არსებული უძრავი ქონების საპრივატიზაციო ნუსხაში შეტანისა და პრივატიზების გეგმის შესახებ, საკრებულოს ბიუროზე განსახილველად.

მოისმინეს 2. თელავის მუნიციპალიტეტის საკრებულოს 2018 წლის 28 ივნისის N34 განკარგულებაში „თელავის მუნიციპალიტეტის საკუთრებაში არსებული უძრავი ქონების საპრივატიზაციო ნუსხისა და პრივატიზების გეგმის დამტკიცების შესახებ“ ცვლილების შეტანის თაობაზე პროექტის განხილვის შესახებ.

აზრი გამოთქვეს: გიორგი თავბერიძემ აღნიშნა, რომ პროექტი ითვალისწინებს საპრივატიზებო ნუსხიდან სოფ. ნაფარეულში მდებარე სახნავი მიწის

ამოღებას, ვინაიდან აუცილებლობას წარმოადგენს მიწისათვის კატეგორიის შეცვლა მასზე განთავსებული შენობის გამო უნდა მიეკუთვნოს არასასოფლო დანიშნულების კატეგორია.

გ.თავბერიძის წინადადებას დაეთანხმნენ კომისიის წევრები.

გადაწყვიტეს: თელავის მუნიციპალიტეტის საკრებულოს 2018 წლის 28 ივნისის N34 განკარგულებაში „თელავის მუნიციპალიტეტის საკუთრებაში არსებული უძრავი ქონების საპრივატიზაციო ნუსხისა და პრივატიზების გეგმის დამტკიცების შესახებ“ ცვლილების შეტანის თაობაზე პროექტი განხილული იქნას საკრებულოს ბიუროს სხდომაზე.

მოისმინეს 3. თელავის მუნიციპალიტეტის საკუთრებაში არსებული უძრავი ქონების სახელმწიფოსათვის საკუთრებაში უსასყიდლოდ გადაცემის შესახებ პროექტის განხილვის თაობაზე.

აზრი გამოთქვეს: გიორგი თავბერიძემ აღნიშნა, რომ სოფელ სანიორეში აშენდა იუსტიციის მომსახურეობის ცენტრი, საჭიროა მიწის სახელმწიფოსთვის გადაცემა. ა.შათირიშვილმა დააყენა წინადადება პროექტის საკრებულოს ბიუროზე განხილვის თაობაზე.

გადაწყვიტეს: პროექტი თელავის მუნიციპალიტეტის საკუთრებაში არსებული უძრავი ქონების სახელმწიფოსათვის საკუთრებაში უსასყიდლოდ გადაცემის შესახებ განხილული იქნას საკრებულოს ბიუროს სხდომაზე.

მოისმინეს 4. თელავის მუნიციპალიტეტის 2020 წლის ადგილობრივი ბიუჯეტის განხილვის შესახებ.

ალექსანდრე შათირიშვილმა აღნიშნა, რომ თელავი-ახმეტის ცენტრალურ გზაზე მაღალი სატრანსპორტო მოძრაობის ინტენსივობის გამო გასათვალისწინებელია ბიუჯეტში ვარდისუბანი-რუისპირისა და რუისპირი-იყალთოს ცენტრალური გზების მონაკვეთებზე გარე განათების მოწყობა.

ასევე მუნიციპალიტეტში შემომავალ ცენტრალურ გზებზე მუნიციპალიტეტის აღმნიშვნელი ტრაფარეტების გაკეთება მზის ენერგიაზე მომუშავე მინათების მოწყობილობით.

ტიტე დარეჯანიშვილმა დააყენა წინადადება, რომ სოფელ გულგულაში ამბულატორია მდებარეობს შენობის მეორე სართულზე, რის გამოც მოხუცებულ და ავადმყოფებს უჭირთ მაღლა სიარული, მიზანშეწონილია ამბულატორიის პირველ სართულზე განთავსება, რისთვისაც ბიუჯეტში გათვალისწინებული იქნას შესაბამისი თანხები.

ზურაბ ენუქიძემ აღნიშნა, რომ ბიუჯეტის ხარჯვით ნაწილში, კერძოდ
ინფრასტრუქტურულ სამუშაოებში გასათვალისწინებელია გარკვეული ხარჯი
ნარჩენების მართვის მუხლში, ნარჩენების სეპარირებისათვის, რომლის
ვალდებულებაც გააჩნია მუნიციპალიტეტის მერიას ნარჩენების მართვის გეგმისა და
მთავრობის შესაბამისი დადგენილების მიხედვით.

მოქალაქე არჩილ მჭედლიშვილმა დააყენა წინადადებები, რომ ბიუჯეტში
გათვალისწინებული იქნას, ქუჩებში მწოლიარე პოლიციელების სანაცვლოდ კამერების
დამონტაჟება, ქუჩებში თანამედროვე შუქნიშნების დამონტაჟება.

გამოთქმულ წინადადებებს დაეთანხმნენ კომისიის წევრები.

გადაწყვიტეს: პროექტი თელავის მუნიციპალიტეტის 2020 წლის ადგილობრივი
ბიუჯეტის განხილვის შესახებ განხილული იქნას საკრებულოს ბიუროს სხდომაზე
კომისიაზე გამოთქმული წინადადებების გათვალისწინებით.

კომისიის თავმჯდომარე



ალექსანდრე შათირიშვილი